

四庫全書

集部

欽定四庫全書

御定全唐詩卷五百二十五

杜牧

寓言

暖風遲日柳初含
顧影看身又自慙
何事明朝獨惆悵
杏花時節在江南

猿

月白煙青水暗流
孤猿銜恨叫中秋
三聲欲斷疑腸斷

饒是少年今一作白頭

懷歸

塵埃終日滿窗前
水態雲容思浩然
爭得便歸湘浦去
却持竿上釣魚船

邊上晚秋

黑山南面更無州
馬放平沙夜不收
風送孤城臨晚角
一聲聲入客心愁

傷友人悼吹簫妓

玉簫聲斷沒流年滿目春愁隴樹

上

一作煙豔質已隨雲

雨散鳳樓空鎖月明天

訪許顏

門近寒溪窗近山枕山流水日潺潺長嫌世上浮雲客
老向塵中不解顏

春日古道旁作

萬古榮華旦暮齊樓臺春盡草萋萋君看陌上何人墓
旋化紅塵送馬蹏

青塚

青塚前頭隴水流
燕支山上暮雲秋
蛾眉一墜窮泉路
夜夜孤魂月下愁

大夢上人自廬峰回

行脚尋常到寺稀
一枝藜杖一禪衣
開一作門滿院空

秋色新向廬峰過
夏歸

洛中二首

柳動晴風拂路塵
年年宮闕鎖濃春
一從翠輦無巡幸

老却蛾眉幾許人

風吹柳帶搖晴綠蝶遶花枝戀暖香多把芳菲泛春酒
直教愁色對愁腸

邊上聞笳三首

何處吹笳薄暮天塞垣高鳥沒狼煙遊人一聽頭堪白
蘇武爭禁十九年

海路無塵邊草新榮枯不見綠楊春白沙日暮愁雲起
獨感離鄉萬里人

胡雛吹笛上高臺，寒雁驚飛去不回。
盡日春風吹不散，只應分付客愁來。

春日寄許渾先輩

薊北鴈初去，湘南春又歸。
水流滄海急，人到白頭稀。
塞路盡何處，我愁當落暉。
終須一作接鴛鴦，霄漢共高飛。

經闔閭城

遺蹤委荒草，行客思悠悠。
昔日人何處，終年水自流。
孤煙邨戍遠，亂雨海門秋。
吟罷獨歸去，煙雲盡慘愁。

并州道中

行役我方倦苦吟誰復聞
戍樓春帶雪邊角暮吹雲
極目無人迹回頭送鴈羣
如何遣公子高卧醉醺醺

別懷

相別徒成泣經過總是空
勞生慣離別夜夢苦西東
去路三相浪歸程一片風
他年寄消息書在鯉魚中

漁父

白髮滄浪上全忘是與非
秋潭垂釣去夜月叩船歸
煙

影侵蘆岬潮痕在竹扉終年狎鷗鳥來去且無機

秋夢

寒空動高吹月色滿清砧殘夢夜魂斷美人邊思深孤
鴻秋出塞一葉暗辭林又寄征衣去迢迢天外心

早秋客舍

風吹一片葉萬物已驚秋獨夜他鄉淚年年為客愁別
離何處盡搖落幾時休不及磻溪叟身閒長自由

逢故人

故交相見稀
相見倍依依
塵路事不盡
雲巖閒好歸
投人銷壯志
徇俗變真機
又落他鄉淚
風前一滿衣

秋晚江上遣懷

孤舟天際外
去路望中賒
貧病遠行客
夢魂多在家
蟬吟秋色樹
鴉噪夕陽沙
不擬徹雙鬢
他方擲歲華

長安夜月

寒光垂靜夜
皓彩滿重城
萬國盡分照
誰家無此明
古槐踈影薄
仙桂動秋聲
獨有長門裏
蛾眉對曉晴

雲

東西那有礙出處豈無心
曉入洞庭濶暮歸巫峽深
渡江隨鳥影擁樹隔猿吟
莫隱高唐去枯苗待作霖

春懷

年光何太急倏忽又青春
明月誰為主江山暗換人
鶯花潛運老榮樂漸成塵
遙憶朱門柳別離應更頻

逢故人

年年不相見相見却成悲
教我淚如霰嗟君髮似絲
正

傷攜手處況值落花時莫惜今宵醉人間忽忽期

閒題

男兒所在即為家百鎰黃金一朶花借問春風何處好
綠楊深巷馬頭斜

金谷園

繁華事散逐香塵流水無情草自春日暮東風怨啼鳥
落花猶似墮樓人

重登科

星漢離宮月出輪滿街含笑綺羅春花前每被青娥問
何事重來只一人

遊邊

黃沙連海路無塵邊草長枯不見春日暮拂雲堆下過
馬前逢著射鷗人

將赴池州道中作

青陽雲水去年尋黃絹歌詩出翰林投轄暫停留酒客
絳帷斜繫滿松陰妖人笑我不相問道者應知歸路心

南去南來盡鄉國月明秋水只沈沈

隋宮春

龍舟東下事成空蔓草萋萋滿故宮亡國亡家為顏色
露桃猶自恨春風

蠻中醉

一作張籍詩

瘴塞蠻江入洞流人家多在竹棚頭青山海上無城郭
唯見松牌出象州

寓題

把酒直須判酌酹逢花莫惜暫淹留假如三萬六千日
半是悲哀半是愁

送趙十二赴舉

省事却因多事力無心翻似有心來秋風郡閣殘花在
別後何人更一杯

偶呈鄭先輩

不語亭亭儼薄粧畫裙雙鳳鬱金香西京才子旁看取
何似喬家那窈娘

子規

此詩又見李白集題
作宣城見杜鵑花

蜀地曾聞子規鳥
宣城又見杜鵑花
一叫一回腸一斷
三春三月憶三巴

江樓

獨酌芳春酒
登樓已半醺
誰驚一行雁
衝斷過江雲

旅情

旅館無良伴
凝情自悄然
寒燈思舊事
斷鴈警愁眠
遠夢歸侵曉
家書到隔年
湘江好煙月
門繫釣魚船

杜鵑

杜宇竟何冤年年叫蜀門至今銜積恨終古弔殘魂芳
草迴腸結紅花染血痕山川盡春色嗚咽復誰論

聞蟬

火雲初似滅曉角欲微清故國行千里新蟬忽數聲時
行仍髣髴度日更分明不敢頻傾耳唯憂白髮生

送友人

十載名無利人皆與命爭青春留不住白髮自然生夜

雨滴鄉思秋風從別情都門五十里馳馬逐雞聲

旅情

窗虛枕簟涼寢倦憶瀟湘山色幾時老人心終日忙松
風半夜雨簾月滿堂霜匹馬好歸去江頭橘正香

曉望

獨起望山色水雞鳴蓼洲房星隨月曉楚木向雲秋曲
渚疑江盡平沙似浪浮秦原在何處澤國碧悠悠

貽友人

自是東西客逢人又送人不應相見老祇是別離頻度
日還知暮平生未識春儻無遷谷分歸去養天真

書事

自笑走紅塵流年舊復新東風半夜雨南國萬家春失
計拋魚艇何門化酒鱗是誰添歲月老却暗投人

別鶴

分飛共所從六翮勢催一作摧風聲斷碧雲外影孤明月

中青田歸路遠丹一作月桂舊巢空矯翼知何處天涯不

可窮

晚泊

帆濕去悠悠，停撓宿渡頭。
亂煙迷野岬，獨鳥出中流。
蓬雨延鄉夢，江風阻暮秋。
倘無身外事，甘老向扁舟。

山寺

峭壁引行徑，截溪開石門。
泉飛濺虛檻，雲起漲河軒。
隔水看來路，踈籬見定猿。
未聞難久住，歸去復何言。

早行

垂鞭信馬行數里未鷄鳴林下帶殘夢葉飛時忽驚霜
凝孤鶴迴月曉遠山橫僮僕休辭險時平路復平

秋日偶題

荷花魚柳葉彼此不勝秋玉露滴初泣金風吹更愁綠
眉甘棄墜紅臉恨飄流歎息是遊子少年還白頭

憶歸

新城非故里終日想柴扃興罷花還落愁來酒欲醒何
人初髮白幾處亂山青遠憶湘江上漁歌對月聽

偶見

黃州作

朔風高緊掠河樓
白鼻騶郎白罽裘
有箇當壚明似月
馬鞭斜揖笑回頭

醉倒

日晴空樂下仙雲
俱在涼亭送使君
莫辭一盞即相請
還是三年更不聞

酬許十三秀才兼依來韻

多爲裁詩步竹軒
有時凝思過朝昏
篇成敢道懷金璞

吟苦唯應似嶺猿迷興每慙花月夕寄愁長在別離魂

憑

一作煩

君把卷侵寒燭麗句時傳畫戟門

後池泛舟送王十秀才

城日晚悠悠弦歌在碧流夕風飄度曲煙嶼

嶼一作嶼

隱行

舟間拍擬

一作疑

新令憐香占彩毬當筵雖一醉寧復緩

離愁

書情

誰家洛浦神十四五來人媚髮輕垂額香衫軟著身摘

蓮紅袖濕窺綠翠蛾頻飛鵲徒來往平陽公主親

兵部一作李

尚書席上作

華堂今日綺筵開誰喚

一作召

分司御史來偶

一作忽

發狂

言驚滿座三重粉面

紀事作兩行紅粉

一時回

牧為御史分務雒陽時李司徒

愿罷鎮開居聲伎豪侈雒中名士咸謁之李高會賓客以杜持憲不敢邀致杜遣座客達意願與斯會李不得已邀之杜獨坐南向瞪目注視引滿三卮問李云聞有然雲者孰是李指之杜疑睇良久曰名不虛傳宜以見惠李俯而笑諸妓亦回首破顏杜又自飲二爵朗吟此詩而起意氣閒逸旁若無人杜不拘細行故詩有十年一覺揚州夢羸得青樓薄倖聲

驕驕坂

荊州一萬里不如荊易度
仰首望飛鳴伊人何異趣

御定全唐詩卷五百二十五

欽定四庫全書

御定全唐詩卷五百二十六

杜牧

冬日五湖

一作浪

館水亭懷別

蘆荻花多觸處飛，獨凭虛檻雨微微。
寒林葉落鳥巢出，古渡風高魚艇稀。
雲抱四山終日在，草荒三徑幾時歸。

江城向晚西流

一作東風

急無限鄉心

一作半鄉愁

聞擣衣

不寢

到曉不成夢思量堪白頭多無百年命長有萬般愁世
路應難盡營生卒未休莫言名與利名利是身讐言

泊松江

一作許渾詩題作夜
泊松江波寄友人

清露白雲明月天與君齊擢木蘭船南湖風雨
一作風波湖雨
一相失夜泊橫塘心渺然

題水西寺

三日去還住一生焉再遊含情碧溪水重上粲公樓

贈別宣州崔羣相公

衰散相逢洛水邊，却思同在紫薇天。
盡將舟楫板橋去，早晚歸來更濟川。

聞開江相國宋

一作宋相
公申錫

下世二首

權門陰進

一作
奏

奪移才驛騎如星墮，峽來晁氏有恩忠。

作禍賈生無罪直，為災貞魂誤向崇山沒。
冤氣疑從湘

一作
汨

水回畢竟成功

一作
功成

何處是五湖雲月一帆開

月落清湘

一作
湘潭

棹不喧玉杯，瑤瑟真蘋繁。誰令

一作
能

力

制乘軒鶴自取，機沈在檻猿。位極乾坤三事貴，謗興華

欽定四庫全書

御定全唐詩

卷五百二十六

二

夏一夫寃宵衣旰食明天子日伏青蒲不為

一作言

出關

朝纓初解佐江濱麋鹿心知自有羣漢園獵稀慵獻賦
楚山耕早任移文卧歸漁浦月連海行望鳳城花隔雲
關吏不須迎馬笑去時無意學終軍

暝投雲智寺渡溪不得却沿江路往

雙崑瀉一川回馬斷橋前古廟陰風地寒鐘暮雨天沙
虛留虎跡水滑帶龍涎却下臨江路潮深無渡船

宣城贈蕭兵曹

一作許
潭詩

桂楫謫湘渚三年波上春舟寒句一作刻溪雪衣故一作破

洛城塵客道耻搖尾皇恩寬犯鱗花時去國遠月夕上

樓頻賒

一作貧

酒不辭病傭書非為貧行吟值漁父坐隱

對樵人紫陌罷雙轍碧潭窮一綸一作輪高秋更南去煙

水是通津

過鮑溶宅有感

寥落故人宅重來身已亡古苔殘墨沼深竹舊書堂秋

欽定四庫全書

御定全唐詩

卷五百二十六

三

色池館一作塘靜雨聲雲木涼無因展交道日暮倍心傷

寄弟兄

江城紅葉盡旅思倍淒涼孤夢家山遠獨眠秋夜長道
此首又見

許渾集題
作寄小弟

秋日

有計自安業秋風罷遠吟買山惟種竹對客更彈琴煙
起藥厨晚杵聲松院深閒眠得真性惆悵舊時心

卜居招書侶

憶昨

一作
意壯

未知道臨川每羨魚世途行處見人事病來

疎微雨秋栽竹孤燈夜讀書憐君亦同志晚歲傍山居

西山草堂

何處人事少西峰

一作
山

舊草堂曠書秋日晚洗藥石泉

香後嶺有

一作
看

微雨北窗生曉涼徒勞問歸路峰疊遶

家鄉

貽隱者

回報隱居山莫憂山興闌求人顏色盡知道性情寬信

譜彈琴誤緣

一作沿

崖斲藥難東臯亦自給殊愧遠相安

石池

通竹引泉脉泓澄深

一作激

石盆驚魚翻藻葉浴鳥上松

根殘月留

一作斜
日回

山影高風耗水痕誰家洗秋藥來往

自開門

送蘇協律從事振武

琴尊詩思勞更欲學龍韜王粲暫投筆呂虔初佩刀夜

吟關月苦秋望塞雲高去去從軍樂鷗飛岱馬豪

懷政禪師院

山齋路幾層敗衲學真乘寒暑移雙樹光陰盡一燈風
飄高竹雪泉漲小池冰莫訝頻來此修真欲到僧

送荔浦蔣明府赴任

路長春欲盡歌怨酒多酣白社蓮塘一作宮北青袍桂水

南驛行盤鳥道船宿避龍潭真得詩人趣煙霞處處諳

秋夕有懷

念遠坐西閣華池涵月涼書回秋欲盡酒醒夜初長露
白蓮衣淺風清蕙帶香前年此佳景蘭棹醉橫塘

秋霽寄遠

初霽獨登賞西樓多遠風橫煙秋水上疎雨夕陽中高
樹下山鳥平蕪飛草蟲唯應待明月千里與君同

經古行宮

一作經
華清宮

臺一作樓閣參差倚太陽年年花發滿山香重門一作開鎖

青春晚深殿垂簾白日長草色芊綿侵御路泉聲鳴咽

繞宮牆先皇一去無回駕紅粉雲環

一作翠鬢

空斷腸

宣州開元寺贈惟真上人

曾與徑山為小師千年僧行衆人知夜深月色當禪處
齋後鐘聲到講時經雨綠苔侵古畫過秋紅葉落新詩
勸君莫厭江城客雖在風塵別有期

秋晚懷茅山石涵村舍

十畝山田近石涵村居風俗舊曾諳簾前白艾驚春燕
籬上青桑待晚蠶雲暖採茶來嶺北月明沽酒過溪南

陵陽秋盡多歸思
紅樹蕭蕭覆碧潭

留題李侍御書齋

曾話平生志書齋
幾見留道孤心易
感恩重力難酬獨
立千峰晚頻來
一葉秋雞鳴應有
處不學淚空一作清流

行次白沙館先寄上河南王侍郎

夜程何處宿山疊
樹層層孤館開
秋雨空堂停曙燈
歌慙漁浦客詩學雁門僧
此意無人識明朝見李膺

貴遊

朝回珮馬草萋萋，年少恩深衛霍齊。
斧鉞舊威龍塞北，池臺新賜鳳城西。
門通碧樹開金鎖，樓對青山倚玉梯。
南陌行人盡迴首，笙歌一曲暮雲低。

越中

石城花暖鷓鴣飛，征客春帆秋不歸。
猶自保郎心似石，綾梭夜夜織寒衣。

聞范秀才自蜀遊江湖

蜀道下湘渚，客帆應不迷。
江分三峽響，山竝九華齊。
秋

泊鴈初宿夜吟猿乍啼歸時慎行李莫到石城西

綠蘿

綠蘿縈數匝本在草堂間秋色寄高樹晝陰籠近

遠一作

山移花疎處過

種一作

斲藥困時攀日暮微風起難尋舊

徑還

宿東橫山

一作
小瀨

孤舟路漸賒時見碧桃花溪雨灘聲急巖風樹勢斜獼

猴懸弱柳

一作
蔓

鴻鴻睡橫楂漫向仙林宿無人識阮家

貽一作贈遷客

無機還得罪，直道不傷情。
微雨昏山色，疎籠閉鶴聲。
閒居多野客，高枕見江城。
門外長溪水，憐君又濯纓。

陵陽送客

南樓送郢客，西郭望荆門。
鳧鵠下寒渚，牛羊歸遠村。
蘭舟倚棹，桂酒掩餘樽。
重此一留宿，前汀煙月昏。
一作昏水

寄桐江隱者

一作許渾詩

潮去潮來洲渚春，山花如繡草如茵。
巖陵臺下桐江水

解釣鱸魚能幾人

長興里夏日寄南隣

一作林

避暑

侯家大道旁蟬噪樹蒼蒼
開鎖洞門遠捲簾官舍涼
欄圍紅藥盛架引綠蘿長
永日一欹枕故山雲水鄉

送太昱禪師

一作許
渾詩

禪牀深竹裏心與徑山期
結社多高客登壇盡小師
早秋歸寺遠新雨上灘遲
別後江雲碧南齋一首詩

梁秀才以早春旅次大梁將歸郊扉言懷兼別

示亦蒙見贈凡二十韻走筆依韻

玉塞功猶阻金門事已陳

梁君在文皇朝獻書榮宣下
中書令授一官為執政所阻

世途皆擾擾鄉黨盡循循
客道難投足家聲易發身
松篁標節晚蘭蕙吐詞春
處困羞搖尾懷忠壯犯鱗
宅臨三楚水衣帶二京塵
斂迹愁山鬼遺形慕谷神
採芝先避貴栽橘早防貧
弦泛桐材響杯澄糯醪醇
但尋陶令集休獻楚王珍
林密聞風遠池平見月勻
藤龕紅婀娜苔磴綠嶙峋
雪樹交梁苑水河漲孟津
面邀文作友心

許德為隣旅館將分被嬰兒共灑巾渭陽連漢曲京口

接漳濱

余自監察御史謝病歸家蒙除潤州司馬

通塞時應定榮枯理會均

儒流當自勉妻族更誰親照矚三光政生成四氣仁磻

溪有心者垂白肯湮淪

川守大夫劉公早歲寓居敦行里肆有題壁十

韻今之置第乃獲舊居洛下大僚因有唱和歎

詠不足輒獻此詩

旅館當年葺公才此日論林繁輕竹祖樹暗惜桐孫鍊

藥藏金鼎疏泉陷石盆散科松有節深雉草無根龍卧
池猶在鷺遷谷尚存昔為揚子宅今是李膺門積學螢
嘗聚微詞鳳早吞百年明素志三顧起新恩雪耀冰霜
冷塵飛水墨昏莫教垂露迹歲晚雜苔痕

中秋日拜起居表晨渡天津橋即事十六韻獻
居守相國崔公兼呈工部劉公

碧樹康莊內清川鞏洛間壇分中岳頂城繚大河灣廣
殿含涼靜深宮積翠閒

內有含涼殿積翠樓

樓齊雲漠漠橋束水

潺潺過雨揜枝潤迎霜柿葉殷紫鱗衝晚浪白鳥背秋
山月拜西歸表晨趨北向班鴛鴻隨半仗貌虎護重關
玉帳才容足金樽暫解顏跡留傷墮屣恩在樂銜環南
省蘭先握東堂桂早攀龍門君天矯鶯谷我綿蠻分薄
嵇心懶哀多庾鬢斑久慙公幹卧頻送子牟還自覩宸
居壯誰憂國步艱只應時與醉因病縱疎頑

分司東都寓居履道叨承川尹劉侍郎大夫恩

知上四十韻

命世須人瑞匡居在岳靈氣和薰北陸襟曠納東溟賦

妙排鸚鵡詩能繼鵲鴿蒲親香案色蘭動粉闈馨

侍郎自補

關拜周孔傳文教蕭曹授武經家僮諳禁掖廐馬識金鈴

侍郎尋歸翰苑

性與姦邪背心因啟沃冥進賢光日月誅惡助

雷霆閭闔開時召簫韶奏處聽水精懸御幄雲母展宮

屏捧詔巡泝隴飛書護井陘先聲威虎兕餘力活螭螟

榮重秦軍箭功高漢將銘戈鋌迴紫塞干戚散彤庭順

美皇恩洽扶顛國步寧禹謨推掌誥湯網屬司刑

侍郎自中

書舍人遷刑部郎中 穉榻蓬萊掩膺舟翠洛停馬羣先去害民籍

更添丁猾吏門長塞豪家戶不扃四知臺上鏡三惑井

中瓶雅韻憑開匣雄銘待發硎火中膠綠樹泉下斲青

萍五岳期雙節三台空一星鳳池方注意麟閣會圖形

寒暑逾流電光陰甚建瓴散曹分已白崇直眼由青賜

第成官舍傭居起客亭

某六代祖國初賜宅在仁和里尋已屬官舍今於履道坊賃宅

居止松筠侵巷陌禾黍接郊坳宿雨回為沼春沙淀作汀

魚罾棲翡翠蛛網掛蜻蜒遲曉河初轉傷秋露已零夢

餘鐘杳杳吟罷燭熒熒字小書難寫
柘遲酒易醒久貧
驚早鴈多病放殘螢霜勁孤根竹
風彫數莢莫轉喉空
婀娜垂手自娉婷
脰細摧新履腰羸減舊鞵
海邊慵逐
臭塵外怯吞腥
隱豹窺重巘
潛虬避濁溼
商歌如不顧

歸棹越南濡

某家在朱方揚子
江界有南濡北濡

題白雲樓

一作許渾詩題
作漢水傷稼

西北樓開四望通
殘霞成綺月懸弓
江村夜漲浮天水
澤國秋生動地風
高下綠苗千頃盡
新陳紅粟萬箱空

才微分薄憂何益却欲回心學塞翁

贈別

眼前迎送不曾休相續輪蹄似水流門外若無南北路
人間應免別離愁蘇秦六印歸何日潘岳雙毛去值秋
莫怪分襟銜淚語十年耕釣憶滄洲

秋夜與友人宿

楚國同遊過十霜萬重心事幾堪傷黃葭露白蓮塘淺
砧杵夜清河漢涼雲外山川歸夢遠天涯歧路客愁長

寒城欲曉聞吹笛猶卧東軒月滿牀

將赴京留贈僧院

九衢塵土遞追攀馬跡軒車日暮間
玄髮盡驚為客換白頭曾見幾人閒
空悲浮世雲無定多感流年水不還
謝却從前受恩地歸來依止叩禪關

寄湘中友人

莫戀醉鄉迷酒榼流年長怕少

一作老

年催西陵水濶魚

難到南國路遙書未回足馬計程愁日盡
一蟬何事引

秋來相如已定題橋志江上無由夢釣臺

江上逢友人

故國歸人酒一盃暫停蘭棹共徘徊村連三峽暮雲起
潮送九江寒雨來已作相如投賦計還憑殷浩寄書迴
到時若見東籬菊為問經霜幾度開

金谷懷古

淒涼遺跡洛川東浮世榮枯萬古同桃李香消金谷在
綺羅魂斷玉樓空往年人事傷心外今日風光屬夢中

徒想夜泉流客恨夜泉流恨恨無窮

寄盧先輩

一從分首劍江濱南國相思寄夢頻書去又逢商嶺雪
信回應過洞庭春關河日日悲長路霄漢年年望後塵
願指丹梯曾到處莫教猶作獨迷人

南樓夜

玉管金罇夜不休如悲晝短惜年流歌聲裊裊徹清夜
月色娟娟當翠樓枕上暗驚垂釣夢燈前偏起別家愁

思量今日英雄事，身到簪裾已白頭。

行經廬山東林寺

離魂斷續楚江壩，葉墜初紅十月天。
紫陌事多難暫息，青山長在好閒眠。
方趨上國期干祿，未得空堂學坐禪。
他歲若教如范蠡，也應須入五湖煙。

途中逢故人話西山讀書早曾遊覽

西巖曾到讀書堂，穿竹行莎十里強。
湖上夢餘波澹澹，嶺頭愁斷路茫茫。
經過事寄煙霞遠，名利塵隨日月長。

莫道少年頭不白君看潘岳幾莖霜

將赴京題陵陽王氏水居

簾卷平蕪接遠天暫寬行役到樽前是非境裏有閒日
榮辱塵中無了年山簇暮雲千野雨江分秋水九條煙
馬蹄不道貪西去爭向一聲高樹蟬

送別

溪邊楊柳色參差攀折年年贈別離一片風帆望已極
三湘煙水返何時多緣去棹將愁遠猶倚危亭一作樓欲

下遲莫。殢酒盃閒過日。碧雲深處是佳期。

寄遠

兩葉愁眉愁不開。獨含惆悵上層臺。碧雲空斷鴈行處。
紅葉已彫人未來。塞外音書無信息。道旁車馬起塵埃。
功名待寄凌煙閣。力盡遼城不肯迴。

新柳

無力搖風曉色新。細腰爭妬看來頻。綠陰未覆長堤水。
金穗先迎上苑春。幾處傷心懷遠路。一枝和雨送行塵。

東門門外多離別，愁殺朝朝暮暮人。

旅懷作

促促因吟晝短詩，朝驚穠色暮空枝。
無情春色不長久，有限年光多盛衰。
往事只應隨夢裏，勞生何處是閒時。
眼前擾擾日一日，暗送白頭人不知。

鴈

萬里銜蘆別故鄉，雲飛雨一作水宿向瀟湘。
數聲孤枕堪

垂淚，幾處高樓欲斷腸。
度日翩翩斜避影，臨風一一直

成行年年辛苦來衡岳羽翼摧殘隴塞霜

惜春

花開又花落時節暗中遷無計延春日何能駐

一作留

少

年小裊初散蝶高柳即聞蟬繁豔歸何處滿山啼杜鵑

鴛鴦

兩兩戲沙汀長疑畫不成錦機爭織樣歌曲愛呼名好
育顧栖息堪憐泛淺清鳧鷖皆爾類惟羨獨含情

聞雁

帶霜南去鴈夜好宿汀沙驚起向何處高飛極海涯入

雲聲漸遠離岳路由

一作猶

賒歸夢當時斷參差欲到家

江樓晚望

湖山翠欲結蒙籠汗漫誰遊夕照中初語燕雛知社日
習飛鷹隼識秋風波搖珠樹千尋拔山鑿金陵萬仞空
不欲登樓更懷古斜陽江上正飛鴻

御定全唐詩卷五百二十六

欽定四庫全書

御定全唐詩卷五百二十七

杜牧

補遺

九日

金英繁亂拂闌香
明府辭官酒滿缸
還有玉樓輕薄女
笑他寒燕一雙雙

寄牛相公

漢水橫衝蜀浪分
危樓點點拂孤雲
六年仁政謳歌去

柳遶春堤處處聞

為人題贈二首

我乏青

一作凌

雲稱君無買笑金虛傳南國貌爭奈五陵

心桂席塵瑤珮瓊鑪燼水沈凝魂空

一作輕

薦夢低耳悔聽

琴月落珠簾捲春寒錦幕深誰家樓上笛何處月明砧
蘭徑飛蝴蝶筠籠語翠襟和簪拋鳳髻將淚入鴛衾的
的新添恨迢迢絕好音文園終病渴休詠白頭吟

綠樹鶯鶯語平江燕燕飛枕前聞去鴈樓上送春歸半

月鉅雙臉凝腰素一圍西牆苔漠漠南浦夢依依有恨
簪花懶無聊鬪草稀雕籠長慘淡蘭畹漫芳菲鏡斂青
蛾黛燈桃一作地皓腕肌避人勻迸淚拖袖倚殘暉有貌
雖桃李單棲足是非雲軒載馭去寒夜看裁衣

懷紫閣山

學他趨世少深機紫閣青霄半掩扉山路遠懷王子晉
詩家長憶謝玄暉百年不肯疎榮辱雙鬢終應老是
非
人道青山歸去好青山曾有幾人歸

題孫逸人山居

長懸青紫與芳枝塵刹

一作塵世

無應免別離馬上多于在

家日罇前堪憶少年時關河客夢還鄉遠雨雪山程出
店遲却羨高人終此老軒車過盡不知誰

中途寄友人

道旁高木盡依依落葉驚風處處飛未到鄉關聞早鴈
獨於客路授寒衣煙霞舊想長相阻書劍投人久不歸
何日一名隨事了與君同採碧溪薇

悵詩

牧佐宣城幕遊湖州刺史崔君張水戲使州人畢觀令牧閒行閑奇麗得垂髻者十

餘歲後十四年牧刺湖州其人已嫁生子矣乃悵而為詩

自是尋春去校遲不須惆悵怨芳時
狂風落盡深紅色
綠葉成陰子滿枝

吳宮詞二首

越兵驅綺羅越女唱吳歌
宮燼花聲少臺荒麋跡多
茱萸垂曉露菡萏落秋波
無遣君王醉滿城
頓翠蛾

香溼遶吳宮千帆落照中
鶴鳴山苦雨魚躍水多風
城

帶晚莎綠池連秋蓼紅當年國門外誰信伍員忠

金陵

始發碧江口曠然諧遠心風清舟在鑑日落水浮金瓜
步逢潮信臺城過鴈音故鄉何處是雲外即喬林

即事

小院無人雨長苔滿庭修竹間疎槐春愁兀兀成幽夢
又被流鶯喚醒來

七夕

雲堦月地一相過未抵經年別恨多最恨明朝洗車雨
不教回脚渡天河

薔薇花

朶朶精神葉葉柔雨晴香拂醉人頭石家錦幃依然在
閒倚狂風夜不收

句

幽人聽達曙聊罷蘇琴牀

海錄
碎事

魚多知海熟藥少覺

山貧


以下方
興勝覽

土控吳蕪越州連歛與池山河地襟帶

軍鎮國藩維 綠水權雲月 洞庭歸路長 春橋垂酒幔

夜柵集茶檣 著影沈溪暖 蘋花遶郭香 出守吳興 經冬野

菜青青色未臘 山梅樹樹花 優古堂詩話 半破前峰月



御定全唐詩卷五百二十七

欽定四庫全書

集部
御定全唐詩卷五百
二十八
三十三

詳校官庶吉士臣胡鈺

主事銜臣徐崑履勘

總校官知縣臣繆琪

校對官助教臣羅萬選

謄錄監生臣郭坦

欽定四庫全書

御定全唐詩卷五百二十八

許渾

許渾字用晦丹陽人故相圉師之後太和六年進士第
為當塗太平二縣令以病免起潤州司馬大中三年為
監察御史歷虞部員外郎睦郢一州刺史潤州有丁卯
橋渾別墅在焉因以名其集集二卷今編詩十一卷

陪王尚書泛舟蓮池

蓮塘移畫舸泛泛日華清水暖魚頻躍煙秋雁早鳴舞
疑回雪態歌轉遏雲聲客散山公醉風高月滿城

贈裴處士

為儒白髮生鄉里早聞名煖酒雪初下讀書山欲明
字形翻鳥跡詩調合猿聲門外滄浪水知君欲濯纓

一作未

對雪

飛舞北風涼玉人歌玉堂簾帷增曙色珠翠發寒光柳
重絮微濕梅繁花未香茲辰賀豐歲蕭鼓宴梁王

王居士

筇杖倚柴關，都城賣卜還。
雨中耕白水，雲外斲青山。
有藥身長健，無機性自閒。
即應生羽翼，華表在人間。

早秋三首

遙夜泛清瑟，西風生翠蘿。
殘螢委_{一作棲}玉露，早鴈拂銀

金_{一作河}高樹曉還_{一作猶}。
密遠山晴更多，淮南一葉下自

覺老煙波

一葉下前墀，淮南人已悲。
蹉跎青漢望，迢遞白雲期。
老

信相如渴貧憂曼倩飢生公與園吏何處是吾師

薊北雁猶遠淮南人已悲殘桃間墮井新菊亦侵籬書

劍豈相誤琴尊聊自持西齋風雨夜更有詠貧詩

洛

一作渚

東蘭若夜歸

一作自溪東
蘭若夜歸

一衲老禪牀吾生半異鄉管絃愁裏老

一作醉

書劍夢中

忙鳥急山初暝蟬稀樹正涼又歸何處去塵路月蒼蒼

送段覺歸杜曲間居

書劍南歸去山扉別幾年苔侵巖下路果落洞中泉紅

葉高齋雨青蘿曲熨煙寧知遠游客羸馬太行前

寄天鄉

一作香

寺仲儀上人富春孫處士

詩僧與釣翁千里兩情通雲帶鴈門雪水連漁浦風心
期榮辱外名挂是非中歲晚亦歸去田園清洛東

寄契盈上人

何處是西林疎鐘復遠砧鴈來秋水闊鴉盡夕陽沈婚
嫁乖前志功名異夙心湯師不可問江上碧雲深

晨起二首

桂樹綠層層風微煙露凝
簷楹銜落月悵愧映

一作殘

燈斲簞曙香冷越瓶秋水澄
心閒即無事何異住山僧

殘月皓煙露掩門深竹齋水
蟲鳴曲檻山鳥下空階清

鏡曉看髮素琴秋寄懷
因知北窗客

一作

日與世情乖

此首一題作
山齋秋晚

曉發鄞江北渡寄崔韓二先輩

一作晚發鄞
江寄崔壽韓

南北信多岐生涯半別離
地窮山盡處江泛水

一作寒

時露曉

一作霧晚

簾葭重霜晴橘柚垂無勞促回檝

一作棹

千

里有心期

盈上人

月沈霜已凝無夢竟

一作對

寒燈寄世何殊客修身

一作心

未到僧二毛梳上雪雙淚枕前冰借問曹溪路山多路
幾層

廣陵道中

城勢已坡陀城邊東逝波綠桑非苑樹青草是宮莎
山
暝牛羊少水寒鳧雁多因高一回首還詠黍離歌

宿開元寺樓

一作宿開元寺
西樓聞歌感賦

誰家歌裏裏孤枕在西樓竹色寒清簟松香染翠幃月
移珠殿曉風遺玉箏秋日出應移棹三湘萬里愁

洞靈觀冬青

霜霰不凋色兩株交石壇未秋紅實淺經一作終夏綠陰

寒露重蟬鳴急風多烏宿難何如西禁柳晴舞玉闌干

送友人自荆襄歸江東

友人新
喪偶

商洛轉江濱一杯聊送君劔愁龍失伴琴怨鶴離羣楚

驛枕秋水湘帆凌暮雲猿聲斷腸夜一作處應向雨中聞

送同年崔先輩

西風帆勢輕南浦遍離情菊艷含秋水荷花帶雨聲扣
舷灘鳥沒移棹草蟲鳴更憶前年別槐花滿鳳城

山雞

珍禽暫不扃飛舞躍前庭翠網推金距雕籠減繡翎月
圓疑望鏡花暖似依屏何必舊巢去山山芳草青

孤鴈

昔年雙頰頰池上靄春暉霄漢力猶怯稻梁心已違蘆

洲寒獨宿

一作立

榆塞夜孤飛不及營巢燕西風相伴一作

逐歸

寓懷

南國浣紗伴盈盈天下姝盤金明繡帶動

一作鳳

珮響羅

襦素手怨瑤瑟清心悲玉壺春華坐銷落未忍泣靡蕪

一作爭忍
嫁狂夫

洛中游眺貽同志

康衢一望通河洛正天中樓勢排高鳳橋形架一作斷

虹遠山晴帶雪寒水晚多風幾日還攜手鳥鳴花滿宮

夏日戲題郭別駕東堂

微風起畫鸞金翠暗珊珊晚樹垂朱實春篔露粉竿散
香蘄簟滑沈水越瓶寒猶恐何郎熱冰生白玉盤

長安旅夜

久客怨長一作良夜西風吹鴈聲雲移河漢一作色淺月泛

露華清掩瑟獨凝思緩歌空寄情門前有歸路迢遞洛

陽城

瀟瀟

池寒柳復凋，獨宿夜迢迢。
雨頂冠應冷，風毛劔欲飄。
故巢迷碧水，舊侶越丹霄。
不是無歸一作樓處，心高多寂寥。

懿安皇太后挽歌詞

陵前春不盡，陵下夜何窮。
未信金蠶老，先驚玉燕空。
挽移蘭殿月，笳引柏城風。
自此隨龍馭，橋山翠靄中。

示弟

自爾出門去淚痕長滿衣家貧為客早路遠得書稀
文字何人賞

一作誰
人重

煙波幾日歸秋風正搖落孤鴈又南

飛

送楊

一作湯

處士叔

一作反

初卜居曲江

鴈門歸去遠垂老脫袈裟蕭寺休為客曹溪便寄家
綠

琪

一作筠

千歲樹

一作葉

黃槿四時花別怨應無限門前桂

水斜

發靈溪

一作虛

館

山多水不窮一葉似漁翁鳥浴寒潭雨猿吟暮嶺風雜

英垂錦繡衆籟合絲桐應有曹

一作桃

溪路千巖萬壑中

題杜居士

一作贈題
杜隱居

松偃石牀平何人識姓名溪冰寒棹響巖雪夜窗明機

盡心猿伏神閒意馬行

一作停

應知此來客身世兩無情

神女祠

一作聖
女廟

停車祀

一作祠

聖女涼葉下陰風龍氣石牀濕鳥聲

一作鳴

山廟空長看留桂綠丹臉寄蓮

一作蘭

紅莫學陽臺畔朝

雲暮雨中

送李定言南遊

酒酣輕別恨，酒醒復離憂。
遠水應移棹，高峰更上樓。
簾涼清露夜，琴響碧天秋。
重惜芳尊宴，滿城無舊游。

早發中巖寺別契直上人

蒼蒼松桂陰，殘月半西岑。
素壁寒燈暗，紅爐夜火深。
厨開山鼠散，鐘盡嶺猿吟。
行役方如此，逢師嬾話心。

行次潼關題驛後軒

飛閣極層臺終南

一作童

此路回山形朝闕

一作岳

去河勢

抱

一作入

關來鴈過秋風急蟬

一作雞

鳴宿霧開平生無限

意驅馬任塵埃

晨至

一作起

南亭呈裴明府

南齋夢釣竿晨起月猶殘露重螢依草風高蝶委蘭池

光秋鏡澈山色曉

一作曙

屏寒更戀陶彭澤無心議去官

灞東題司馬郊園

一作題張司馬灞東郊園

楚翁秦

一作秦公尋

塞住昔事李輕車白社貧思橘青門老

仰一作種瓜讀書三逕草沽酒一籬花更欲尋芝朮商山

便寄家

游維

一作燕

山新興寺宿石屏村謝叟家

晚過石屏村村長日漸

一作易

曛僧歸下嶺見人語隔溪

一作江

聞谷響寒耕雪山明夜燒雲家家扣銅鼓欲賽魯

將軍

村有魯齋廟

送從兄歸隱藍溪二首

名高猶

一作尚

素衣

一作身不達氣高

窮巷掩荆扉漸老故人少

久貧豪客稀，寒雲橫劍望。山月抱琴歸，幾日藍溪醉。藤

花拂釣磯

一作莫遣藍溪路青苔滿釣磯

京洛多高蓋，憐兄劇斷蓬。身隨一劍老，家入萬山空。夜
憶蕭關月，行悲易水風。無人知此意，甘卧白雲中。

村舍

一作送從兄歸隱藍溪第三首

燕鴈下秋塘，田家自此忙。移蔬通遠水，收果待繁霜。野
碓舂杭滑，山廚焙茗香。客來還有酒，隨事宿茅堂。

思歸

疊嶂平蕪外依依識舊邦
氣高詩易怨愁極酒難降
樹暗支公院山寒謝守窗
殷勤樓下水幾日到荆江

晚泊七里灘

天晚日沉沉歸舟繫柳陰
江村平見寺山郭遠聞砧
樹密猿聲響波澄鴈影深
榮華暫時事誰識子陵心

寄題南山

一作商洛

王隱居

一作王隱士居

近逢商洛客知爾住南塘
草閣平春水柴門掩夕陽
隨蜂收野蜜尋麝采生香
更憶前年醉松花蒲石牀

晨裝

一作早發洛中次
甘水一作甘泉

帶月飯行侶
西游關塞長
晨雞鳴遠戍
宿鴈起寒塘
雲

卷四山雪風凝千樹霜
誰家游俠子

一作歌
舞散

沈醉卧蘭

堂

一作停驂一曰
首隱隱見嵩陽

題韋隱居西齋

一作題韋
處士山居

斲藥去還歸
家人半掩扉
山風藤子落
溪雨豆花肥
寺

遠僧來少橋危
客到稀不聞砧杵動

一作響

應解製

一作剪

荷衣

送李溟

一作
暝

秀才西行

萬里不辭勞寒裝疊

緼

一作
雪

袍停車山店雨挂席海門

濟鷹勢暮偏急鶴聲秋更高知君北邙路留劍泣黃蒿

御定全唐詩卷五百二十八

欽定四庫全書

御定全唐詩卷五百二十九

許渾

經馬鎮西宅

一作馬鎮西故第

將軍久已沒

一作沒已久

行客自興哀
功業山長在
繁華水

不回亂藤

一作片

侵廢井
荒菊上叢

一作崩

臺借問此中事

幾家歌舞來

一作惟見軍中卒朝朝戲馬來

重遊鬱林寺道玄上人院

藤杖叩松關春溪

一作深

斲藥還雨晴巢燕急波暖浴鷗

閒倚檻花臨水回舟月照山憶歸師莫笑書劍在人間

泛溪

疑與武陵通青溪碧嶂中水寒深見石松晚靜間風遊
迹驅雞吏冥心失馬翁纔應畢婚嫁還

一作從

此息微躬

送樓煩李別駕

琴清詩思勞更欲學龍韶王粲暫停筆呂虔初佩刀夜
吟關月靜秋望塞雲高去去從君樂雕飛代馬豪

聞兩河用兵因貽友人

一作將歸茅山兼寄
李叢時兩河用兵

故人日已遠身事與誰論性拙難趨世心孤易感恩秋

悲

一作
晨歌

憐宋玉夜舞笑劉琨徒有干時策青山尚掩門

一作從此歸山

去無因更出門

獻白尹

即樂
天也

醉舞任生涯褐寬烏帽斜庾公先在郡疏傳早還家林

晚鳥爭樹園春蜂

一作
蝶

護花高吟應更逸嵩洛舊煙霞

茅山贈梁尊師

雲物何年客青山白日長種花春掃雪看錄夜焚香上
象壺中潤平生夢裏忙幸承仙籍後乞取一作與大還方

聞薛先輩陪大夫看早梅因寄

澗梅寒正發莫信笛中吹素艷雪凝樹清香風滿枝折
驚山鳥散攜任野蜂隨今日從公醉何人倒接羅

送前緱氏韋明府南游

酒闌橫劍歌日暮望關河道直去官早家貧為客多山
昏函谷雨木落洞庭波莫盡遠游興故園荒薜蘿

看雪

松亞竹珊珊心知萬井歡山明迷舊徑溪滿漲新瀾
醉瑤臺曙兵防玉塞寒紅樓知有酒誰肯學袁安

贈僧

一作趙
報詩

心法本無住流沙歸復來錫隨山鳥動經附海船回洗
足柳遮寺坐禪花委苔唯將一童子又欲上天台

趨慈和寺移宴

高寺移清宴漁舟繫綠蘿潮平秋水濶雲斂暮山多廣

檻停簫鼓繁絃散綺羅西樓半牀月莫問夜如何

留贈偃師主人

孤城漏未殘徒侶拂征鞍洛北去游

一作愁

遠淮南歸夢闌

曉燈回壁暗晴雪卷簾寒強

一作更

盡主人酒出門行路難

送

一作前

南陵李少府

一作送李公自淮楚之南昌

高人亦未閒來往楚雲間劍在心應壯書窮鬢已斑落
帆秋水寺驅馬夕陽山明日南昌尉空齋又掩關

別韋處士

南北斷蓬飛別多相見稀更傷今日酒未換昔年衣舊
友幾人一作多在故鄉何處歸秦原向西路雲晚雪霏霏

九日登樟亭驛樓

鱸膾與蓴羹西風片

一作挂

席輕潮回孤島晚

一作遠

雲飲

衆山晴丹羽下高閣黃花垂古城因秋倍多感鄉樹接

咸京

再遊越中傷朱餘慶

一作餘慶

協律

一作先輩

好

一本無好字

無

直上人

昔年湖上客留

一作曾

訪雪山翁王氏船猶在蕭家寺已

空月高花有露煙合水無風處處多遺韻何曾

一作情入

剡中

京口津亭送張崔二侍御

一作津亭送張崔侍御府散北歸

愛樹滿西津津亭墮淚頻素車應度洛珠履更歸秦水
接三湘暮山通五嶺春傷離與懷舊明日白頭人

江樓

一作頭

夜別

離別奈情何江樓凝艷歌蕙蘭秋露重蘆葦夜風多深

怨寄清瑟遠愁生翠蛾酒酣相顧起明月棹寒波

送惟素上人歸新安

山空葉復落一逕下新安風急渡溪晚雪晴歸寺寒尋
雲策藤杖向日倚蒲團寧憶西游客勞勞歌路難

雲

一作
滿

上宴別

山斷水茫茫洛人

一作
濱

西路長笙歌留遠棹風雨寄

一作

醉華堂紅壁耿秋燭翠簾

一作
簾

凝曉香誰堪

一作
何言

從此

去雲樹滿陵陽

下第別友人

一本無此二字

揚至之

花落水潺潺十年離舊山
夜愁添白髮春淚減朱顏
孤劍北遊塞遠書東出關
逢君話心曲一醉灞陵間

尋戴處士

車馬長安道誰知大隱心
蠻僧留古鏡蜀客寄新琴
藥竹齋暖擣茶松院一作深
思君一相訪殘雪似山陰

放猿

殷勤解金鎖昨

一作別

夜雨淒淒山淺憶巫峽
水寒思建

溪遠尋

一作
好依

紅樹宿深向

一作
入

白雲啼好覓來時路

一作

好去長江路一
作便覓南歸路

煙蘿莫共

一作
自

迷

將離郊園留示弟姪

身賤與心違秋風生旅衣久貧辭國遠多病在家稀山

暝客初散樹涼人未歸西都萬餘里明旦別柴

一作
荆扉

夜歸丁卯橋村舍

月涼風靜夜歸客泊巖前橋響犬遙吠庭空人散眠
蒲低水檻紅葉半江船自有還家計南湖二頃田

題青山館

即謝公館

昔人詩酒地芳草思王孫
白水半塘岸青山橫郭門
懸巖碑已折盤石井猶存
無處繼行樂野花空一尊

秋日衆哲

一作白沙館

對竹

一作題者塘館竹

蕭蕭凌雪霜濃翠異三湘
疎影月移壁寒聲風滿堂
捲簾秋更早高枕夜偏長
忽憶秦溪一作南路萬竿今正涼

春日題韋曲野老村舍二首

遶屋遍

一作樹

桑麻村南第一家林繁樹勢直
溪轉水紋

斜竹院晝看筍藥欄春賣花故園歸未得到此是天涯

北

一作背

嶺枕南塘數家村落長鶯啼幼婦嬾蠶出小姑

忙煙草近溝濕風花臨路香自憐非楚客春望亦心傷

宗聖寺別楊至之

蕭寺暫相

一作時

逢離憂滿病容寒齋秋少燕陰壁夜多

蛩樹暗水千里山深雲萬重懷君在書信莫過雁回峯

途經李翰林墓

氣逸何人識才高舉世疑禰生狂善

一作解

賦陶令醉能

吟一作詩碧水鱸魚思一作青山鵬鳥悲至今孤一作不堪遺

塚在一作荆棘楚江湄

嚴陵釣臺貽行侶

故人天下定垂釣碧巖幽一作歸釣獨悠悠舊迹隨臺古高名

寄水流鳥喧羣木晚蟬急衆山秋更待新安月憑君暫

駐舟

南樓春望

南樓春一望雲水共昏昏野店歸山路危橋帶郭村晴

煙和草色夜雨長溪痕下岸誰家住殘陽半掩門

送無夢道人先歸甘露寺

飄飄

一作飄

隨晚浪杯影入鷗羣岸

一作萍

凍千船雪巖陰

一寺雲夜燈江北見寒磬水

一作浦

西間鶴嶺煙霞在歸

期不羨君

閒居孟夏即事

一作孟夏有懷

綠樹蔭青苔柴門臨

一作向

水開簟涼初熟麥枕膩

一作潤

乍

經梅魚躍海風

一作雲

起鬣鳴江雨來佳人竟何處

一作佳期今已

晚
日夕上樓臺

題灞西駱隱士

磻溪連灞水商嶺接泰山青溪不回駕白雲長

一作掩空

關雀喧知鶴靜鳧戲識一作鷗閒却笑南昌尉悠悠城

市間

溪亭二首

溪亭四面山橫柳半溪灣蟬響螳螂急魚深翡翠閒水

寒留客醉月上與僧還猶戀蕭蕭竹西齋未掩關

暖枕眠溪柳僧齋昨夜期
茶香秋夢後松韻晚吟時
共戲魚翻藻爭棲鳥墜枝
重陽應一醉栽菊助東籬

秋日赴闕題潼關驛樓

一作行次潼關
逢魏扶東歸

紅葉晚蕭蕭

一作南北
斷蓬飄

長亭酒一瓢殘雲歸太華
疎雨

過

一作落

中條樹色隨山

一作關

迴河聲入海

一作塞

遙帝鄉

明日到猶自夢漁樵

一作勞歌此分
手風急馬蕭蕭

吳門送客早發

吳歌咽深思楚客怨歸程
寺曉樓臺迴

一作鐘聲遠

江秋管

吹清早潮低水檻殘月下山城惆悵回舟日湘南春草
生

送太昱禪師

禪林深竹裏心與徑山期結社多高客登壇盡小師早
秋歸寺遠新雨上灘遲別後江雲碧南齋一首詩

旅懷

征車一作輪何軋軋南北極天涯孤枕易為客遠書難到

家鄉連雲外樹城閉月中花猶有扁舟思一作興前年別

若耶

御定全唐詩卷五百二十九

欽定四庫全書

御定全唐詩卷五百三十

許渾

南亭與首公讌集

一作與羣
公宴南亭

秋來水上亭幾處似巖扃
戲鳥翻江葉游龜帶綠萍
管絃心戚戚羅綺鬢星星
行一作此樂非吾事西齋尚有螢

早發壽安次永壽

一作濟渡

東西車馬塵鞞洛與咸
秦山月夜行客水煙朝渡人樹

涼風皓皓

一作浩浩

灘淺石磷磷會待功名就扁舟寄此身

柏松江渡

一作南潯泊船江驛

漠漠故宮地月涼風露

一作雲水

幽雞鳴荒戍曉

一作暗

鴈過

古城秋楊柳北歸路蘆葭南渡舟去鄉今已遠更上望

京樓

送魚思別處士歸有懷

一作南亭送張祐

宴罷衆賓散

一作送

長歌攜一卮

一作枝

溪亭相送遠山郭

獨歸遲風檻夕雲

一作陽

散月

一作日

軒寒露滋病來雙鬢

白不是

一作別

舊離時

重經姑蘇懷古二首

一作杜牧之詩

越兵驅綺羅越女唱吳歌宮盡燕一作花聲少臺荒麋跡

多菜萸垂曉一作晚露菡萏落秋波無復君王醉滿城顰

翠蛾

一作蛾

香逕遶吳宮千帆落照中鸛鳴山欲雨魚躍水一作海多

風城帶晚莎綠池連秋蓼紅當年國門外誰識一作信伍

貞忠

將赴京師留題孫處士山居二首

草堂近西郭遙對敬

一作鏡

亭開枕膩海

一作江

雲起簾涼

山雨來高歌懷地肺遠賦憶天台應覺

一作笑

相如志終

須駟馬回

西巖有高興路僻幾人

一作有誰

知松蔭花開晚

一作少

山寒

酒熟遲游從隨

一作收

野鶴休息遇靈龜長見鄰翁說容

華似舊時

下第寓居崇聖寺感事

懷土

一作玉

泣京華舊山歸路賒靜依禪客院幽學野人

家林晚鳥

一作鴉

爭樹園春蝶護花東門有閒地誰種邵

平瓜

曉

一作晚

發天井關寄李師晦

山在水滔滔流年欲

一作惜

二毛湘潭歸夢遠燕趙客程

勞露曉紅闌重雲晴碧樹高達秋正多感萬里別同袍

喜遠書

端居換時節離恨隔龍瀧苔色上春閣柳陰移晚窗寄

懷因桂水流淚極楓江此日南來使金盤魚一作一雙

懷江南同志一作送客

南國別一作去經年雲晴波接天蒲深鷓鴣戲花暖鷓鴣

眠竹暗湘妃廟楓陰楚客船唯應洞庭月萬里共嬋一作

娟娟

洛中秋日

故國無歸處官閒憶遠遊吳僧秣陵寺楚客洞庭舟久
病先知雨長貧早覺秋壯心能幾許伊水更東流

將赴京師蒜山津送客還荆渚

一作將赴京師
津亭別蕭處士

尊前萬里愁楚塞與皇州雲識瀟湘雨風知鄆杜秋潮

平猶一作仍

一作仍

倚棹月上更登樓他日滄浪水漁歌對白頭

鷗一作

潼關蘭若

來往幾經過前軒

一作山

枕大河遠帆春水濶高寺夕陽

多蝶影下紅藥鳥聲喧綠蘿故山歸未得徒詠採芝一作

薇歌

翫殘雪寄江河一作南尹劉大夫

艷陽無處避皎潔不成容
素質添瑤水清光散玉峯
眠

鷗猶戀草棲鶴未離松
間在金鑿望一作羣仙對九重

陪越中使院諸公鏡波館餞
明台裴鄭二使君

傾幕來華館淹留二使君
舞移清夜月歌斷碧空雲
海郡樓臺接江船劍戟分明
時自騫翥無復歎離羣

春泊弋陽

江行春欲半孤枕弋陽堤
雲暗猶飄雪潮寒未應溪
飲

猿聞棹散飛鳥背船低此路成幽絕家山鞏洛西

晨別脩然上人

吳僧誦經罷敗衲倚蒲團鐘韻花猶斂樓陰月向

一作尚

殘晴山開殿響秋水捲簾寒獨恨孤舟去千灘

一作山復

萬灘

送客江行

蕭蕭蘆荻花郢客獨辭家遠棹依山響危檣轉浦斜水
寒澄淺石潮落漲虛沙莫與征徒望鄉園去漸賒

將歸塗口宿鬱林寺道玄上人院二首

西巖一磬長僧起樹蒼蒼開殿灑寒水誦經焚晚

一作曉

香竹風雲漸散杉露月猶光無復重來此歸舟凌夕陽

春尋採藥翁歸路宿禪宮雲起客眠處月殘僧定中藤

花深洞水榭

一作松

葉滿山風清境不能住朝朝慙遠公

題宣州元處士幽居

潺湲遶門水未省濯纓塵鳥散千巖曙蜂來一逕春杉

松還待客芝朮不求人寧學磻溪叟逢時罷隱淪

一作淪

送李秀才

南樓送郢客西郭見荆門
鳧下寒渚牛羊歸遠村
蘭舟倚行棹桂酒掩餘尊
重此一留宿前村煙水昏

題一作經倪處士舊居

儒翁九十餘舊向此山

一作村一作中

居生寄一壺酒死留千

卷書檻

一作欄

摧新竹少池淺故蓮疎
但有子

一作小

孫在

帶經還荷

一作自鋤

贈梁將軍

曾經黑山虜一劍出重圍年長窮書意時清隱釣磯一作

戰機

高齋

一作僧

雲外住瘦馬月中歸唯說鄉心苦春風鴈

北飛

春望思舊游

適意

一作何處

極春日南臺披薜蘿花光晴漾漾山色畫峨

峨湘水

一作渚

美人遠信

一作漢

陵豪客多唯憑一瓢酒彈

瑟縱高歌

病中二首

三年嬰酒渴高卧似袁安秋色鬢應改夜涼心已寬風
衣藤簟滑露井竹牀寒卧憶郊扉月恩深未挂冠

私一作

歸人暫適

一作

扶杖遶西林風急柳溪響露寒

素琴
莎徑深一身仍白髮萬慮只丹心此意無言處高窗託

姑熟官舍寄汝洛友人

官靜亦無能平生少面朋務開

一作

唯印吏公退只棊

僧藥鼎初寒火書

一作

龕欲夜燈安知北溟水終日送

搏鵬

恩德寺

樓臺橫復重猶有

一作
在

半巖空羅洞淺深水竹廊高下

風晴山疎雨後

一作
外

秋樹

一作
磬

斷雲中未盡

一作
竟

平生

意孤帆又向東

天竺寺題葛洪井

羽客鍊丹井井留

一作
存

人已無舊泉青石下餘

一作
移

甃

碧山隅雲朗鏡開匣月寒冰在壺仍聞釀仙

一作
春

酒此

水一作過瓊醪

朗上人院晨坐

簟涼襟袖清月沒尚殘星
山果落秋院水花開曉庭
疎藤風嫋嫋圓桂露冥冥
正憶江南寺巖齋閒誦經

送客歸湘一作楚

無辭一杯一作酒昔日一作與君
深秋一作色換歸鬢曙光

生別心桂花山廟冷楓樹水樓一作陰
此路千餘里應

勞楚客吟

過故友舊居

往年公子宅夜宴樂難忘高竹動疎翠早蓮

一作荷飄暗

香珠盤

一作門人

凝寶瑟綺席

一作生客

遡華觴今日皆何處閉

門春草長

一作荒

送客歸峽中

一作將赴京師
津亭別蕭處士

津亭多別離楊柳半無

一作枯

枝住接猿啼處行逢鴈過

時江風颺帆急

一作江帆
望風急

山月下樓遲還就西齋宿

一作

寢煙波勞夢

一作所

思

一作此夕歸城
郭不眠人詎知

題冲

一作重

沼上人院

斲

一作斲

石種松

一作杉

子數根

一作株

侵杳冥天寒猶講律

雨暗尚

一作亦

尋經小殿燈千盞深爐水一瓶碧雲多別

思休到望溪

一作江亭

亭

和畢員外雪中見寄

仙署淹

一作掩

清景雪花松桂陰夜凌瑤席宴春寄玉京

吟燭晃垂羅幙香寒重繡衾相思不相訪煙月到溪深

春醉

酒釀花一樹何暇卓文君客坐長先飲公閒半已曛水
鄉春足雨山郭夜多雲何以叅禪理榮枯盡不聞

題岫上人院

病客與僧閒頻來不掩關高窗雲外樹疎磬雨中
山離
索秋蟲響登臨夕鳥還心知落帆處明月澗河灣

送客南歸有懷

綠水暖青蘋湘潭萬里春瓦尊迎海客銅鼓賽江神避
雨松一作歸楓岸看雲楊一作漾柳津長安一杯酒座上有

歸人

李生棄官入道因寄

西巖一徑通

一作千巖
路不窮

知學

一作訪

採芝翁寒暑丹心外

光陰白髮中水深魚避釣雲迴鶴辭籠坐想還家日人
非井邑空

長興里夏日南鄰避暑

侯門

一作家

大道傍蟬噪樹蒼蒼開鑠洞門遠下簾賓

一作

高館涼欄圍紅藥盛架引綠蘿長永日一歌枕故山雲

水一作鄉

送韓校書

恨與前歡隔，愁因此會同。
跡高芸閣吏，名散雪樓翁。
城閉三秋雨，帆飛一夜風。
酒醒鱸膾美，應在竟陵東。

秋晚登城

城高不可下，永日一登臨。
曲檻涼飈急，空樓返照深。
葦花迷夕棹，梧葉散秋砧。
謾作歸田賦，蹉跎歲欲陰。

江西鄭常侍赴鎮之日有寄因酬和

來暮亦何愁，金貂在鷁舟。
旆隨寒浪動，帆帶夕陽收。
布令滕王閣，裁詩郢客樓。
即應歸鳳沼，中外贊天休。

蒙河南劉大夫見示與吏部張公喜雪酬唱輒
敢攀和

風度龍山暗，雲凝象闕陰。
瑞花瓊樹合，仙草玉苗深。
欲醉梁王酒，先調楚客琴。
即應攜手去，將此助商霖。

下第送宋秀才游岐下楊秀才還江東

年來不自得，一望幾傷心。
風轉蕙蘭色，月移松桂陰。
馬

隨一作嘶邊草遠帆落海雲深明日各分首一作從此無鄉別更

聽梁甫吟

南亭偶題

城下水縈回潮衝野艇來鳥驚山果落龜泛綠萍開白
首書千卷朱顏酒一杯南軒自流涕不是望燕臺

與裴三十

一本無此二字

秀才自越西歸望亭

一本無此二字

阻凍登虎丘山寺精舍

一本無此二字

春草越吳間心期旦夕還酒鄉逢客病詩境遇僧閒倚

棹水生浦登樓雪滿山東風不可待歸鬢坐已一作班班

御定全唐詩卷五百三十